

ანგარიში

აფხაზეთის ავტონომიური რესპუბლიკის სამთავრობო
სტრუქტურების მიერ გატარებული ღონისძიებების შესახებ
2017 წლის 6 თვეში



სარჩევი


ზოგადი მიმოხილვა	3
დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2017 წლის 01 ივლისისათვის.....	3
ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით.....	4
დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2017 წლის 01 ივლისისათვის.....	5
დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2017/6 თვე-2016/6 თვე.....	5
სოციალური სფერო	12
<i>ჯანდაცვა</i>	12
<i>განათლება, კულტურა, სპორტი</i>	18
ეკონომიკის სფერო	20
<i>ბიზნეს სექტორი</i>	20
დიაგრამა № 4: საშუალო თვიური ხელფასების შედარება 2017/6თვე-2016/6თვე მოქმედ ფასებში	21
<i>პროდუქციის ბრუნვა და გამოშვება</i>	21
დიაგრამა № 5: პროდუქციის ბრუნვა/გამოშვება 2017/6თვე-2016/6თვე.....	21
დიაგრამა № 6: ენერგოსაწარმოების მიერ გამოიმუშავებული პროდუქციის ბრუნვა/გამოშვება 2017/6თვე-2016/6თვე.....	22
აფხაზეთის ავტონომიური რესპუბლიკის სახელმწიფო წილით დაფუძნებული საწარმოების ფუნქციონირების შედეგები	22
სოფლის მეურნეობა	24
სახელმწიფო ქონების მართვა და პრივატიზება	25
გეოლოგია	29
საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი	29
აფხაზეთის ავტონომიური რესპუბლიკის ბიუჯეტი	30
დიაგრამა № 7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2017 წ. 6 თვე.....	30
დიაგრამა № 8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2017/6 თვე-2016/6 თვე.....	30
ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები 2017 წლის.. 6 თვეში.....	31
დიაგრამა № 9: შემოსულობებისა და გადასახდელების შედარება 2017/6თვე-2016/6თვე.....	32

წინამდებარე ანგარიში მომზადებულია 2017 წლის 6 თვის სტატისტიკურ მონაცემებზე დაყრდნობით და აფხაზეთის ავტონომიური რესპუბლიკის სამინისტროებისა და უწყებებისაგან მიღებული მასალების საფუძველზე. ანგარიში განსახილველად წარედგინება აფხაზეთის ავტონომიური რესპუბლიკის მთავრობას.

ზოგადი მიმოხილვა

2017 წლის 01 ივლისისათვის აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით საქართველოს სხვადასხვა რეგიონში განსახლებულ აფხაზეთიდან იგკ-თა საერთო რაოდენობა შეადგენდა 241 281-ს, მათ შორის ქ. თბილისში – 101 737 (42,2%), სამეგრელო-ზემო სვანეთში – 88 429 (36,6%), იმერეთში – 26 508 (11%), ქვემო ქართლში – 9 602 (4,0%), აჭარაში – 6 919 (2,9%), სამცხე-ჯავახეთში – 2 289 (0,9%), შიდა ქართლში – 2 284 (0,9%), კახეთში – 1 244 (0,5%), მცხეთა-მთიანეთში – 939 (0,4%), რაჭა-ლეჩხუმ-ქვემო სვანეთში – 802 (0,3%), გურიაში – 528 (0,2%). კომპაქტურად ჩასახლებული იყო 28 236 (11,7%), ხოლო კერძო სექტორში – 213 045 პირი (88,3%). მიმდინარე პერიოდისათვის ქვეყნის მასშტაბით კომპაქტურად ჩასახლებულ ობიექტთა რაოდენობა შეადგენდა 662 ერთეულს.

დიაგრამა № 1: აფხაზეთიდან იძულებით გადაადგილებულ პირთა ხვედრითი წილი განსახლების სახის მიხედვით 2017 წლის 01 ივლისისათვის



ცხრილი № 1: აფხაზეთიდან იძულებით გადაადგილებულ პირთა რიცხოვნობა რეგიონების მიხედვით


2017 წლის 01 ივლისის მდგომარეობით

	რიცხოვნობა			პროცენტობით		არაპრივატიზებული კომპაქტ. ობიექტ. რაოდენობა
	სულ	მათ შორის		მათ შორის		
		კერძო	კომპ.	კერძო	კომპ.	
სულ	241281	213045	28236	88,3	11,7	662
<i>მათ შორის:</i>						
აღმოსავლეთ საქართველოში	118095	110506	7589	93,6	6,4	208
ქ. თბილისი	101737	96095	5642	94,5	5,5	157
ქვემო ქართლი	9602	9143	459	95,2	4,8	14
შიდა ქართლი	2284	1875	409	82,1	17,9	21
მცხეთა-მთიანეთი	939	716	223	76,3	23,7	7
კახეთი	1244	1202	42	96,6	3,4	5
სამცხე-ჯავახეთი	2289	1475	814	64,4	35,6	4
დასავლეთ საქართველოში	123186	102539	20647	83,2	16,8	454
სამეგრელო-ზემო სვანეთი	88429	74721	13708	84,5	15,5	348
აჭარა	6919	6889	30	99,6	0,4	1
იმერეთი	26508	19767	6741	74,6	25,4	94
რაჭა-ლეჩხუმ-ქვემო სვანეთი	802	634	168	79,1	20,9	11
გურია	528	528	-	100,0		-


2016 წლის ანალოგიურ პერიოდთან შედარებით იგპ-თა საერთო რაოდენობა გაიზარდა 4 816 პირით (2,0%), მათ შორის აღმოსავლეთ საქართველოში 3 009 პირით (2,6%-ით), ხოლო დასავლეთ საქართველოში – 1 807 პირით (1,5%-ით). რეგიონების მიხედვით: ქ. თბილისში – 2 419 იგპ-ით ანუ 2,4%-ით, შიდა ქართლში – 110 იგპ-ით ანუ 5,1%-ით, სამცხე-ჯავახეთში – 68 იგპ-ით ანუ 3,1%-ით, სამეგრელო-ზემო სვანეთში 1 099 იგპ-ით ანუ 1,3%-ით, აჭარაში – 125 იგპ-ით ანუ 1,8%-ით, იმერეთში – 573 იგპ-ით ანუ 2,2%-ით, გურიაში – 19 იგპ-ით ანუ 3,7%-ით, მცხეთა-მთიანეთში – 37 იგპ-ით ანუ 4,1%-ით, ქვემო ქართლში – 332 იგპ-ით ანუ 3,6%-ით, კახეთში – 43 იგპ-ით ანუ 3,6%-ით. დევნილთა რაოდენობა შემცირდა

რაჭა-ლეჩხუმ-ქვემო სვანეთში 9 იგპ-ით ანუ 1,1%-ით. არაპრივატიზებული კომპაქტური ობიექტების რაოდენობა შემცირდა 36 ერთეულით ანუ 5,2%-ით.

დიაგრამა № 2: აფხაზეთიდან იძულებით გადაადგილებულ პირთა ხვედრითი წილი განსახლების რეგიონების მიხედვით 2017 წლის 01 ივლისისათვის



დიაგრამა № 3: აფხაზეთიდან იძულებით გადაადგილებულ პირთა რაოდენობა და განსახლება რეგიონების მიხედვით 2017/6 თვე-2016/6 თვე



საანგარიშო პერიოდში იგპ-თა სოციალურ-ეკონომიკური რეაბილიტაციის მიზნით აფხაზეთის ავტონომიური რესპუბლიკის მთავრობისა და მისდამი დაქვემდებარებული სამინისტროებისა და უწყებების მიერ ქ. თბილისსა და რეგიონებში გატარდა სხვადასხვა სახის ღონისძიებები, განხორციელდა პროგრამები. საქმიანობაში პრიორიტეტებს წარმოადგენდა:

- ორგანიზებულად ჩასახლებულ ობიექტებში საყოფაცხოვრებო პირობების შესწავლა და რეაბილიტაცია კომპეტენციის ფარგლებში;
- სოციალური (ჯანდაცვითი და საგანმანათლებლო) პროგრამები;
- იგპ-თა დასაქმების ხელშეწყობა;
- საქართველოს რიგი უწყებების ხელშეწყობით იგპ-თათვის სხვადასხვა სახის, მათ შორის ჰუმანიტარული დახმარება;
- აფხაზეთის გახლეჩილი საზოგადოების წევრებს შორის ნდობის აღდგენისა და შერიგების პროცესის, აგრეთვე გაყოფილ ტერიტორიაზე მცხოვრებ, საერთო ინტერესების მქონე ჯგუფებს შორის ურთიერთობის ხელშეწყობა;
- სამთავრობო და არასამთავრობო (ადგილობრივ და საერთაშორისო) ორგანიზაციებთან თანამშრომლობა.

საანგარიშო პერიოდში აფხაზეთის მთავრობის რეგიონული წარმომადგენლობების მიერ შესწავლილ იქნა ორგანიზებულად ჩასახლებული ობიექტების მდგომარეობა, გამოვლინდა არსებული პრობლემები. მოხდა კომპაქტური ჩასახლებების შენობა-ნაგებობების გადახურვა, ელექტრო და წყალგაყვანილობების რეაბილიტაცია, გამოსწორდა სამშენებლო ხარვეზები. სარეაბილიტაციო სამუშაოებში დასაქმებული იყვნენ დევნილებიც.

დევნილი მოსახლეობის მაქსიმალურად ჩართულობის მიზნით, სისტემატურად ხდებოდა რეგიონებში ინფორმაციის მიწოდება სხვადასხვა სახის პროექტების გასაცნობად. ასევე იყო შეხვედრები ახალი საპროექტო წინადადებების შესათავაზებლად კომპაქტურად ჩასახლებულ დევნილ ოჯახებთან.

საქართველოს სხვადასხვა რეგიონში მცხოვრებ იგპ-ებს გაეწიათ სამართლებრივი ხასიათის კონსულტაციები და დახმარებები (დაბადების მოწმობის აღდგენა, სამუშაო სტაჟის დადგენა, პირადობის მოწმობის აღება, აგრეთვე საქართველოს ოკუპირებული ტერიტორიებიდან იგპ-თა, განსახლებისა და ლტოლვილთა სამინისტროს მიერ საკუთრებაში გადაცემული ფართის პრივატიზაციასთან, ომისა და სამხედრო ძალების ვეტერანთა პენსიასთან, მოქალაქეობასთან დაკავშირებული საკითხები და სხვა). რამდენიმე დევნილ სტუდენტს გაეწია შუამდგომლობა სწავლის (სტუდენტის სტატუსი) აღდგენის, საფასურის გადანაწილებისა და სხვა მათთვის საჭირო პრობლემის გადაწყვეტასთან დაკავშირებით. შესაძლებლობის ფარგლებში მატერიალური დახმარება

გაწეულ იქნა სამედიცინო მომსახურების თანადაფინანსებაშიც. მიმდინარეობდა მუშაობა იგპ-თა დასაქმების ხელშეწყობის კუთხით.

აფხაზეთის ავტონომიური რესპუბლიკის მთავრობის სხდომაზე განხილულ იქნა აფხაზეთის მთავრობის დადგენილების პროექტი „აფხაზეთის ავტონომიური რესპუბლიკის ოკუპირებული ტერიტორიიდან იძულებით გადაადგილებულ პირთა-დევენილთა სოციალური დაცვის მიზნით ერთჯერადი დახმარების გაცემის წესის დამტკიცების შესახებ“, რომელიც ითვალისწინებდა აფხაზეთის ავტონომიური რესპუბლიკიდან დევნილი, სხვადასხვა სოციალურ კატეგორიას მიკუთვნებული მოქალაქეებისათვის ერთჯერადი მატერიალური დახმარების გაწევას. ამ მიზნით 2017 წლის ბიუჯეტში გათვალისწინებული თანხები გაიზარდა. 2017 წლის I ნახევარში აფხაზეთის ავტონომიური რესპუბლიკის მთავრობის წარმომადგენლობებს ერთჯერადი მატერიალური დახმარების მისაღებად განცხადებით მიმართა 2671 ბენეფიციარმა. კომისიების მიერ დაკმაყოფილებულ იქნა 1071 განცხადება და გაიცა ფინანსური დახმარება სულ 146 250 ლარის ოდენობით. აფხაზეთის ავტონომიური რესპუბლიკის დევნილთა დეპარტამენტის მონაცემებით, სოციალური უზრუნველყოფის მუხლიდან გაიხარჯა 104 683,98 ლარი, მ.შ. აფხაზეთის მთავრობის სარეზერვო ფონდიდან დაფინანსდა და მატერიალური დახმარების სახით 495 ოჯახზე გაიცა 102 440 ლარი. დამქირავებლის მიერ გაწეულმა სოციალურმა დახმარებამ (ბიულეტენი) შეადგინა 3 243,98 ლარი.

გაორმაგდა აგრეთვე იგპ-თათვის გადაცემულ საცხოვრებელ ობიექტებში მცირეფასიანი და გადაუდებელი სახის სარემონტო სამუშაოების პროგრამის დაფინანსება (2016 წელს – 14 700 ლარი, ხოლო 2017 წელს – 29 400 ლარი). აფხაზეთის ავტონომიური რესპუბლიკის დევნილთა საქმეების დეპარტამენტის მონაცემებით, საანგარიშო პერიოდში, აფხაზეთის ავტონომიური რესპუბლიკის ოკუპირებული ტერიტორიებიდან იძულებით გადაადგილებულ პირთა-დევენილთა საკუთრებაში/სარგებლობაში გადაცემულ საცხოვრებელ ობიექტებში მცირე ფასიანი და გადაუდებელი სარემონტო სახის სამუშაოების ჩატარების მიზნით შექმნილი შესაბამისი კომისიების მიერ, პროგრამის ფარგლებში დაფინანსდა 19 განაცხადი, ხოლო გაცემული თანხამ შეადგინა 10 499,03 ლარი.

საანგარიშო პერიოდში აფხაზეთის ავტონომიური რესპუბლიკის მთავრობის წარმომადგენლობების „აფხაზეთის ოკუპირებული ტერიტორიიდან იძულებით გადაადგილებულ (დევენილის სტატუსის მამიებელი) პირთა ფოტოიდენტურობის დადასტურებისა და მუდმივი საცხოვრებელი ადგილის დამდგენ კომისიებში“ 2017 წლის 6 თვეში შემოვიდა სულ 470 განცხადება. გაიცა სულ 456 დასკვნა (აქედან დადებითი დასკვნა – 435, უარი ეთქვა 21 განმცხადებელს, ადმინისტრაციულ წარმოებაშია 14 განცხადება).

აფხაზეთის ავტონომიური რესპუბლიკის მოქმედი, კოდიფიცირებული ნორმატიული აქტების ხელმისაწვდომობის მიზნით, არსებული საკანონმდებლო ბაზის საფუძველზე, სისტემატურად ხორციელდებოდა აფხაზეთის ავტონომიური რესპუბლიკის იუსტიციის

დეპარტამენტის ვებ-გვერდის განახლება, რომელზეც ელექტრონული ფორმით თავსდება აფხაზეთის ავტონომიური რესპუბლიკის მოქმედი ნორმატიული აქტების კონსოლიდირებული ვერსიები. ამასთან, დევნილი მოსახლეობის უფლებებისა და კანონიერი ინტერესების დაცვის ხელშეწყობის მიზნით განხორციელდა აფხაზეთის საარქივო ფონდის შევსება, საარქივო დოკუმენტების აღწერა-სისტემატიზაცია. 2017 წლის 6 თვის მდგომარეობით, აფხაზეთის ავტონომიური რესპუბლიკის არქივის სამმართველოს არქივსაცავში ინახება 52 დაწესებულების საარქივო ფონდი, 1992-2017 წლების 8054 საქმე, აქედან მუდმივად შესანახია 5464, ხოლო ხანგრძლივად – 2590 საქმე.

აფხაზეთის ტერიტორიაზე ლეგიტიმურად მცხოვრები პირადობის ნეიტრალური მოწმობისა და ნეიტრალური სამგზავრო დოკუმენტის მიღებაზე უფლებამოსილი პირების ფოტოიდენტურობის დადასტურებისა და საცხოვრებელი ადგილის დამდგენი კომისიის მიერ, საქართველოს იუსტიციის სამინისტროს სახელმწიფო სერვისების განვითარების სააგენტოდან შემოსული მასალების განხილვის საფუძველზე, უზრუნველყოფილ იქნა პირადობის ნეიტრალური მოწმობისა და ნეიტრალური სამგზავრო დოკუმენტის მიმღებ პირებზე ფოტოიდენტურობის დადასტურება და საცხოვრებელი ადგილის დადგენა, საანგარიშო პერიოდში წარმოდგენილი 26 განცხადებიდან კომისიის დასკვნით 10 პიროვნებას დაუდასტურდა ფოტოიდენტურობა, ხოლო 6-ზე გაიცა უარყოფითი პასუხი.

მზადდებოდა ყოველკვირეული ინფორმაცია აფხაზეთის ტერიტორიაზე მიმდინარე მოვლენებისა და ადამიანის უფლებების დარღვევის შესახებ, ხოლო მათ საფუძველზე ყოველი თვის ბოლოს კეთდებოდა აფხაზეთის დე-ფაქტო ტერიტორიაზე მიმდინარე მოვლენების ანალიზი, რომელიც მიეწოდებოდა სხვადასხვა სახელმწიფო დაწესებულებებს.

საანგარიშო პერიოდში სამხედრო-სავალდებულო სამსახურში სულ გაწვეულ იქნა 138, ხოლო ალტერნატიულ სამხედრო-სავალდებულო სამსახურში – 4 წვევამდელი. გადავადების მოსაკრებელი (2 000 ლარი) გადაიხადა 1 წვევამდელმა.

გარდა ამისა, საანგარიშო პერიოდში განხორციელდა სხვადასხვა სახის კულტურული და სპორტული ღონისძიებები. ასევე, აფხაზეთის ავტონომიური რესპუბლიკის მთავრობასა და ესპანეთის ინტეგრაციისა და სოლიდარობის ფონდს „ფინსოლი“ შორის დადებული ხელშეკრულების შესაბამისად, 2017 წლის 2 ივლისს, სოციალურად დაუცველ ოჯახებში მცხოვრები აფხაზეთიდან დევნილი 14 ბავშვი (მათ შორის, ოკუპირებული გალის რაიონის სკოლებიდან-12 ბავშვი), ესპანური მოხალისე ოჯახების მიწვევით, ორი თვის ვადით გაემგზავრა დასასვენებლად ესპანეთის სამეფოში. აფხაზეთის ავტონომიური რესპუბლიკის დევნილთა საქმეების დეპარტამენტმა უზრუნველყო აღნიშნული პროექტის განსახორციელებლად აუცილებელი დოკუმენტაციის მომზადება (პასპორტი, ცნობა ჯანმრთელობის მდგომარეობის შესახებ, მშობლების თანხმობა, ცნობა საქართველოს ოკუპირებულ ტერიტორიაზე განსახლების შესახებ, ბავშვებისთვის ვიზები და სხვა).

საერთაშორისო და ადგილობრივ არასამთავრობო სექტორთან თანამშრომლობის კუთხით აქტიური მუშაობა ჩატარდა ნდობის აღდგენისა და შერიგების საკითხებში აფხაზეთის ავტონომიური რესპუბლიკის მთავრობის აპარატის მიერ. კერძოდ, საანგარიშო პერიოდში:

- ჩატარდა შეხვედრა არასამთავრობო ორგანიზაციასთან „ჰელფინგ ჰენდი“, რომელიც ხელს უწყობს მოხალისეობის კულტურის დანერგვას საქართველოში, ახორციელებს მოხალისეობრივ პროგრამებს. ორგანიზაციას ჩამოყალიბებული აქვს „მოხალისეთა ინკუბატორი“, რომელიც აერთიანებს 500-ზე მეტ მონაწილეს. განისაზღვრა თანამშრომლობის ფორმატი.

გარდა პროგრამისა „მოხალისეობის მხარდაჭერა საქართველოში“, სამოქალაქო საზოგადოებრივ ორგანიზაციებთან გამართულ შეხვედრებზე მიმდინარეობდა პროექტების შემუშავება და დონორების მოძიება შემდეგი მიმართულებით – დევნილი საზოგადოების ჩართულობა სამოქალაქო საზოგადოების განვითარებაში, ასევე, დევნილი ახალგაზრდების ჩართულობა საერთაშორისო და ადგილობრივ პროგრამებში;

- დაიწყო დევნილი სტუდენტების პროგრამა „გამოცდილების გაზიარება მომავალი კარიერული წარმატებისათვის“, რომელიც ხელს შეუწყობს ახალგაზრდების ცნობიერების ამაღლებას, ნდობის აღდგენისა და შერიგების პროცესების გამრავალფეროვნებას;
- საქართველოს სპორტისა და ახალგაზრდობის საქმეთა სამინისტროს სსიპ „ბავშვთა და ახალგაზრდობის ეროვნულ ცენტრთან, თანამშრომლობით განხილულ იქნა ინფორმაცია ევროკავშირის აღმოსავლეთ პარტნიორობის პროგრამის ფარგლებში გამოცხადებული 2017 წლის საგრანტო კონკურსის შესახებ. შემუშავებულ იქნა საპროექტო წინადადებები დონორ ორგანიზაციასთან წარსადგენად. პარტნიორ ორგანიზაციად შერჩეულ იქნა იტალიაში მოქმედი ასოციაცია „რონდინე“, რომელთანაც გაიმართა ონლაინ შეხვედრები, განხილულ იქნა თანამშრომლობის პერსპექტივები და პროექტთან დაკავშირებული სამომავლო გეგმები. პროექტი მომზადდა და გადაეგზავნა დონორს;
- ნდობის აღდგენისა და შერიგების საკითხებში აფხაზეთის ავტონომიური რესპუბლიკის მთავრობის აპარატი მონაწილეობას იღებდა საქართველოს სპორტისა და ახალგაზრდობის საქმეთა სამინისტროს სსიპ „ბავშვთა და ახალგაზრდობის ეროვნულ ცენტრის, მიერ გამართულ საინფორმაციო შეხვედრებში ტურნირის „CYNC სპორტი ბარიერების გარეშე“ შესახებ. პროექტის ფარგლებში იგეგმება დევნილებისა და გალის ტერიტორიაზე მცხოვრები ახალგაზრდების ჩართვა;
- ფლორენციაში რომულდო დელ ბიანკოს ფონდის ორგანიზებით, ჩატარდა კონფერენცია თემაზე „პლანეტა დედამიწა 2017 წლის მემკვიდრეობა, ინტელექტუალური მოგზაურობა, ინტელექტუალური არქიტექტურა, მემკვიდრეობა და დიალოგის წარმართვა“. ასევე მოეწყო ფონდის მე-19

საერთაშორისო ექსპერტთა ასამბლეა. საერთაშორისო კონფერენციამ და ასამბლეამ 5 კონტინენტიდან თავი მოიყარა 45 ქვეყნის პროფესორებს, მკვლევარებს, აკადემიკოსებს, რომლებიც მუშაობენ მსოფლიოში კულტურათაშორისი დიალოგის განვითარების მიმართულებით. საერთაშორისო მასშტაბით შექმნილია ექსპერტთა და პარტნიორ ორგანიზაციათა ქსელი, რომელშიც შესულია 500-ზე მეტი უნივერსიტეტი და 80-ზე მეტი ქვეყანაში დაფუძნებული საგანმანათლებლო ცენტრები. ურთიერთთანამშრომლობის მემორანდუმით, პარტნიორ ინსტიტუციათა შორის იყო აფხაზეთის ავტონომიური რესპუბლიკის მთავრობა. აღსანიშნავია, რომ მემორანდუმის ფარგლებში პროექტებს ახორციელებს ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატი. პარალელურად ღონისძიებისა, გაიმართა შეხვედრები საერთაშორისო დონორ ორგანიზაციებთან, სხვადასხვა ქვეყნების უნივერსიტეტების წარმომადგენლებთან. ღონისძიების ფარგლებში გამოიცა პუბლიკაცია, რომელშიც თავმოყრილი იყო 45 ქვეყნის წარმომადგენლის სტატია. ერთ-ერთი ეხებოდა საქართველოს, კერძოდ, აფხაზეთის ავტონომიური რესპუბლიკის მთავრობის ჩართულობას ინტერკულტურულ დიალოგში საერთაშორისო დონეზე. აფხაზეთის ავტონომიური რესპუბლიკის მთავრობის მიერ განხორციელებული 3 პროექტი აღიარებულ იქნა საუკეთესოდ შედეგზე ორიენტირებულ პროექტთა შორის;

- ნდობის აღდგენისა და შერიგების საკითხებში აფხაზეთის ავტონომიური რესპუბლიკის მინისტრის აპარატმა მონაწილეობა მიიღო:
 - 2016-2017 წლების საქართველოს ეროვნული სამოქმედო გეგმის გაეროს უშიშროების საბჭოს რეზოლუციების განხორციელებისადმი გამართულ კონფერენციაში;
 - პროექტის „სამხრეთ კავკასიაში მშვიდობის, უსაფრთხოებისა და სტაბილურობის ახალი არქიტექტურის ფორმირება“ ფარგლებში გამართულ კონფერენციაში, რომელიც გაიმართა დიდი ბრიტანეთის მთავრობის „კონფლიქტის, სტაბილურობისა და უსაფრთხოების ფონდის“ მხარდაჭერით;
 - კონფერენციაში „ძირითადი საკითხები – კონფლიქტურ რეგიონებში არსებული დღევანდელი პრობლემები და მასზე რეაგირების გზები“;
 - ფრიდრიხ ნაუმანის ფონდის „თავისუფლებისათვის“ ორგანიზებით გამართულ მრგვალი მაგიდის შეხვედრის მეოთხე რაუნდში – „კონფლიქტური რეგიონების საქართველოში და ადამიანის უფლებები“, სადაც გაკეთდა მოხსენება აფხაზეთის ოკუპირებულ ტერიტორიაზე ადამიანის უფლებების დარღვევის ფაქტებთან დაკავშირებით და რეაგირების იმ მექანიზმებზე, რომელსაც ახორციელებს აფხაზეთის მთავრობა და საქართველოს მთავრობა;

- საშუალოვადიანი სამოქმედო გეგმის (2018–2021წ.წ.) ფარგლებში ჩართულობის სტრატეგიის სამოქმედო გეგმისა და აფხაზეთის ავტონომიური რესპუბლიკის ბიუჯეტით განსაზღვრული პრიორიტეტების გათვალისწინებით შემუშავდა შემდეგი პროგრამები:
 - სამშვიდობო რესურსები – ქართულ-აფხაზური ურთიერთობები და საქართველოს ევროპული მომავალი;
 - ქართველი და აფხაზი ახალგაზრდების ჩართულობა ნდობის აღდგენისა და შერიგებისათვის (საერთაშორისო პროგრამა);
 - მშვიდობის ლაბორატორია;
 - აფხაზეთის თემატიკაზე მომუშავე პროფესორების, დოქტორანტების და მაგისტრანტების ჩართულობა ნდობის აღდგენისა და შერიგების პროცესებში;
 - კვლევა – „აფხაზეთიდან დევნილი საზოგადოების პოსტტრამპული ადაპტაცია და მათი ჩართულობა საქართველოს სამოქალაქო საზოგადოების მშენებლობის პროცესში“;
 - დიასპორების ჩართულობა ნდობის აღდგენისა და შერიგების პროცესებში;
- ჩატარდა კონფერენცია პროგრამის „ნდობის აღდგენისა და შერიგების სამშვიდობო რესურსები“ ფარგლებში თემაზე „აფხაზეთი – არსებული მდგომარეობა, გამოწვევები და პერსპექტივები“;
- მინისტრის აპარატის თანამშრომლებმა „Peace Corps“-ს და „გლოუ საქართველოს“ წარმომადგენლებთან ერთად მონაწილეობა მიიღეს თბილისსა და ქუთაისში გამართულ გლოუ ბანაკის პრეზენტაციებში. ისინი უზრუნველყოფდნენ ინფორმაციით რეგიონებში მცხოვრებ დევნილ ახალგაზრდებს.

გარდა ამისა, საანგარიშო პერიოდში ნდობის აღდგენისა და შერიგების საკითხებში აფხაზეთის მინისტრის აპარატი ორგანიზებას უწევდა დისტანციურ შეხვედრებს სამხრეთ კორეის საერთაშორისო სამშვიდობო ორგანიზაციასთან HWPL ისეთ საკითხებზე, როგორცაა სამშვიდობო ინიციატივები (სამშვიდობო ინიციატივების ესეების კონკურსი და გამოფენა მშვიდობის თემაზე) და მშვიდობისა და ომის შეწყვეტის დეკლარაციის სამართლებრივი ასპექტები.

აღსანიშნავია სსიპ „აფხაზეთის საინფორმაციო უზრუნველყოფის ცენტრის“ საქმიანობა. ინფორმაცია გადის საზოგადოებრივ მაუწყებელზე ქართულად კვირას 19 საათზე, აფხაზურად სამშაბათს – 10 საათზე. ყველა გადაცემა მისი მნიშვნელობიდან გამომდინარე, იტვირთება საზოგადოებრივი მაუწყებლის ცენტრალურ სერვერზე. ასევე, გადაცემის აფხაზური და ქართული ვერსიები იტვირთება იუთუბ-ზე, ეგზავნება საქართველოს საელჩოებს საზღვარგარეთ და უცხოეთის საელჩოებს საქართველოში. რამდენიმე გადაცემა გაიგზავნა გაერო-ში, როგორც მნიშვნელოვანი ნივთმტკიცება ქართულ-აფხაზური მრავალსაუკუნოვანი ურთიერთობებისა. გადაცემები შეუზღუდავად ხელმისაწვდომი

გახდა ყველა დაინტერესებული პირისათვის, როგორც საქართველოს ტერიტორიის ფარგლებში, ასევე მის ფარგლებს გარეთ. საანგარიშო პერიოდში მომზადდა და დაარქივდა სატელევიზიო მასალები. სისტემატურად შუქდებოდა დევნილთა სოციალური პრობლემები, მეომართა კავშირის და ვეტერანთა დეპარტამენტის საქმიანობა. ეთერში გავიდა სიუჟეტი დევნილი მოსახლეობისათვის ახალი ბინების გადაცემის შესახებ. გარდა ამისა, ვრცელი გადაცემა მიემდგნა ამერიკის კონგრესისა და ევროკავშირის მიერ საქართველოს ტერიტორიული მთლიანობის მიმართ მიღებულ სრულ მხარდაჭერას. მომზადდა რეგულარული გადაცემა „კვირის თემა“, რომელიც ასახავს ოკუპირებული აფხაზეთისა და სამაჩაბლოს ტერიტორიაზე მიმდინარე პოლიტიკური პროცესების ასახვასა და ანალიზს.

სოციალური სფერო

ჯანდაცვა

2017 წლის I ნახევარში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტრო, აფხაზეთის მოსახლეობის სამედიცინო უზრუნველყოფის ხელშეწყობის მიზნით, ახორციელებდა საქმიანობას სხვადასხვა პროგრამებით.

საანგარიშო პერიოდში განხორციელდა შემდეგი პროგრამები:

- *აფხაზეთიდან იძულებით გადაადგილებულ პირთა და აგრეთვე აფხაზეთის ავტონომიური რესპუბლიკის ტერიტორიაზე მცხოვრებთა (ნეიტრალური პასპორტის მქონე პირები) ამბულატორიული დახმარების პროგრამა*

➤ კომპიუტერული ტომოგრაფიული გამოკვლევების (კონტრასტით) კომპონენტი

ელექტრონულ ტენდერში გაიმარჯვა შპს „ლანცეტმა“, რომელთანაც გაფორმდა ხელშეკრულება 7 800 ლარზე. პროგრამის ბიუჯეტმა შეადგინა 15 000 ლარი. ეკონომიამ შეადგინა 7 200 ლარი. სულ პროგრამა მოიცავდა 52 ეპიზოდს.

ინდივიდუალური სამედიცინო დახმარების კომისიის გადაწყვეტილებით დაფინანსდა 43 ბენეფიციარის სამედიცინო მომსახურება (52 ეპიზოდი). პროგრამის ლიმიტი ამოიწურა. ანაზღაურებულმა თანხამ შეადგინა 7 800 ლარი.

პროგრამაზე გაზრდილი მოთხოვნის გამო გამოცხადდა მეორე ტენდერი 20 000 ლარზე. გამარჯვებულად გამოცხადდა შპს „დეკა“, რომელთანაც გაფორმდა ხელშეკრულება 10 049 ლარზე. პროგრამა მოიცავს 67 ეპიზოდს. ეკონომიამ შეადგინა 9 951 ლარი.

ინდივიდუალური სამედიცინო დახმარების კომისიის გადაწყვეტილებით დაფინანსდა 17 ბენეფიციარის სამედიცინო მომსახურება (17 ეპიზოდი). პროგრამის ლიმიტი ამოიწურა. ანაზღაურებულმა თანხამ შეადგინა 2 549,66 ლარი.

ამრიგად, ორივე ტენდერის შედეგად ჯამში დაფინანსდა 60 ბენეფიციარი (60 ეპიზოდი). ანაზღაურებულმა თანხამ შეადგინა 10 349,66 ლარი;

➤ ბირთვულ-მაგნიტურ-რეზონანსული გამოკვლევების კომპონენტი

ელექტრონულ ტენდერში გაიმარჯვა შპს „ლანცეტმა“, რომელთანაც გაფორმდა ხელშეკრულება 39 999 ლარზე. პროგრამის ბიუჯეტი განისაზღვრა 65 000 ლარით. ეკონომიამ შეადგინა 25 001 ლარი.

საანგარიშო პერიოდში ინდივიდუალური სამედიცინო დახმარების კომისიის გადაწყვეტილებით დაფინანსდა 235 ბენეფიციარი (240 ეპიზოდი). მათ შორის:

- ბირთვული მაგნიტურ-რეზონანსული ტომოგრაფია – 200;
- ბირთვულ-მაგნიტურ-რეზონანსული ტომოგრაფია ანგიოგრაფიით – 20;
- ბირთვულ-მაგნიტურ-რეზონანსული ტომოგრაფია ნარკოზით – 20.

ანაზღაურებულმა თანხამ შეადგინა 39 999 ლარი. პროგრამა ამოიწურა;

➤ ინსტრუმენტული გამოკვლევების (ელექტროენცეფალოგრაფია, დოპლეროგრაფია და ენდოსკოპიური კვლევების ცალკეული სახეები) კომპონენტი ითვალისწინებდა ბენეფიციართა უფასო კვალიფიციური სამედიცინო დახმარების ხელმისაწვდომობას ინსტრუმენტული გამოკვლევების მიღებაში. ბიუჯეტი განისაზღვრა სულ 10 000 ლარით. ტენდერში გამარჯვებული გახდა შპს „კ. ერისთავის სახ. ქირურგიის ეროვნული ცენტრი“, რომელთანაც გაფორმდა ხელშეკრულება 7 999 ლარზე. ეკონომიამ შეადგინა 2 001 ლარი.

ინდივიდუალური სამედიცინო დახმარების კომისიის გადაწყვეტილებით დაფინანსდა 115 ბენეფიციარის სამედიცინო მომსახურება (115 ეპიზოდი). ანაზღაურებულმა თანხამ შეადგინა 6 669,43 ლარი;

➤ ორთოპედიული (სტომატოლოგიური პროთეზირება) მომსახურების კომპონენტის ბიუჯეტი განისაზღვრა 20 000 ლარით. მომსახურების შესყიდვაზე გამოცხადებულ ელექტრონულ ტენდერში გამარჯვებულად გამოცხადდა სსიპ „მედიკელპის“ სატენდერო თანხით 9 997,40 ლარი. ეკონომიამ შეადგინა 10 002,60 ლარი. პროგრამა მოიცავს 74 ბენეფიციარის დაფინანსებას (ერთეულის ფასი – 135 ლარი).

ინდივიდუალური სამედიცინო დახმარების კომისიის გადაწყვეტილებით დაფინანსდა 54 ბენეფიციარის სამედიცინო მომსახურება (74 ეპიზოდი). ანაზღაურებულმა თანხამ შეადგინა 9 997,40 ლარი. პროგრამის ლიმიტი ამოიწურა;

➤ სამკურნალო რეაბილიტაციის კომპონენტის ბიუჯეტი განისაზღვრა 35 000 ლარით. ელექტრონულ ტენდერში გაიმარჯვა „დავით ტატიშვილის სპორტული მედიცინისა

და რეაბილიტაციის ცენტრმა“, რომელთანაც გაფორმდა ხელშეკრულება 23 995 ლარზე (100 ბენეფიციარის დაფინანსება). ეკონომიამ შეადგინა 11 005 ლარი.

ინდივიდუალური სამედიცინო დახმარების კომისიის მიერ დაკმაყოფილდა 83 ბენეფიციარის განცხადება.

ანაზღაურებულმა თანხამ შეადგინა 17 650 ლარი;

- უშვილობის დიაგნოსტიკის და პრევენციის კომპონენტის ბიუჯეტი განისაზღვრა 5 000 ლარით. ელექტრონულ ტენდერში გაიმარჯვა აკ. ვ. ივერიელის სახელობის ენდოკრინოლოგია-მეტაბოლოგია-დიეტოლოგიის ცენტრმა „ენმედიცი“, რომელთანაც გაფორმდა ხელშეკრულება 5 000 ლარზე. პროგრამა ითვალისწინებს ექიმ-სპეციალისტთა კონსულტაციებს, კლინიკო-ლაბორატორიულ გამოკვლევებს (101 ეპიზოდი).

საანგარიშო პერიოდში დაფინანსდა 14 ბენეფიციარის ამბულატორიული მომსახურება (85 ეპიზოდი). ანაზღაურებულმა თანხამ შეადგინა 4 441,96 ლარი;

- მხედველობის ორგანოს სკრინინგული გამოკვლევების კომპონენტის ბიუჯეტი განისაზღვრა 10 000 ლარით. ელექტრონულ ტენდერში გაიმარჯვა შპს „ავერსის კლინიკამ“, რომელთანაც გაფორმდა ხელშეკრულება 10 000 ლარზე. პროგრამა ითვალისწინებდა ექიმ-სპეციალისტთა კონსულტაციებს, პირველადი გამოკვლევების სკრინინგს და დამატებით გამოკვლევებს (სულ 195 ეპიზოდი).

საანგარიშო პერიოდში ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 74 ბენეფიციარის სამედიცინო მომსახურება (95 ეპიზოდი). ანაზღაურებულმა თანხამ შეადგინა 4 975 ლარი;

- ლაბორატორიულ-მორფოლოგიური (წვრილნემსიანი ასპირაციული FNA ბიოფსია, სხვადასხვა ბიოფსიური მასალის ციტოლოგიური კვლევა) კვლევების კომპონენტის ბიუჯეტი განისაზღვრა 10 000 ლარით. ელექტრონულ ტენდერში გამარჯვებულად გამოცხადდა შპს აკ. ვ. ივერიელის სახელობის ენდოკრინოლოგია-მეტაბოლოგია-დიეტოლოგიის ცენტრი „ენმედიცი“, რომელთანაც გაფორმდა ხელშეკრულება 5 997 ლარზე. პროგრამა ითვალისწინებს 105 ეპიზოდის დაფინანსებას. ეკონომიამ შეადგინა 4 003 ლარი.

საანგარიშო პერიოდში ინდივიდუალური სამედიცინო დახმარების კომისიის დადებითი გადაწყვეტილებით დაფინანსდა 14 ბენეფიციარის სამედიცინო მომსახურება (14 ეპიზოდი). ანაზღაურებულმა თანხამ შეადგინა 1 169 ლარი;

- ოფთალმოლოგიური პროფილის პათოლოგიათა ამბულატორიული ოპერაციული მკურნალობის კომპონენტის განსახორციელებლად გამოცხადდა ტენდერი 25 000 ლარზე. ელექტრონულ ტენდერში გამარჯვებულად გამოცხადდა შპს „ახალი მზერა“, რომელთანაც დაიდო ხელშეკრულება 25 000 ლარზე. პროგრამა ითვალისწინებს 16 ეპიზოდის დაფინანსებას.

- აფხაზეთიდან იძულებით გადაადგილებულ პირთა, მათი ოჯახის წევრთა (მეუღლე), აგრეთვე აფხაზეთის ავტონომიურ რესპუბლიკის ტერიტორიაზე მცხოვრებთა (ნეიტრალური პასპორტის მქონე პირების) ჰოსპიტალური მკურნალობის პროგრამის კორონარული ანგიოგრაფიის და პერიფერიული არტერიოგრაფია კომპონენტი გულისხმობდა საპროგნოზო პერიოდში ჰოსპიტალური დახმარების პროგრამის რეალიზებას, რომლის კომპონენტები (კორონარული ანგიოგრაფიის მომსახურება და ორივე ზედა და ქვედა კიდურის პერიფერიული არტერიოგრაფია) მოიცავდა სახელმწიფო შესყიდვების გზით ბენეფიციარებისათვის იმ დახმარების გაწევას, რაც დარჩენილი იყო სახელმწიფო ჯანდაცვითი პროგრამების მომსახურების ჩამონათვალის მიღმა.

ბიუჯეტი განისაზღვრა 35 000 ლარით. ელექტრონულ ტენდერში გაიმარჯვა შპს „ლანცეტმა“, რომელთანაც გაფორმდა ხელშეკრულება 26 045 ლარზე. ეკონომიამ შეადგინა 8 955 ლარი.

ინდივიდუალური სამედიცინო დახმარების კომისიის გადაწყვეტილებით დაფინანსდა:

- კორონაროგრაფია – 27 ეპიზოდი;
- ორივე ზედა და ქვედა კიდურის პერიფერიული არტერიოგრაფია – 1 ეპიზოდი.

ანაზღაურებულმა თანხამ შეადგინა 16 415 ლარი.

საანგარიშო პერიოდში აფხაზეთის ავტონომიური რესპუბლიკის შრომის, ჯანმრთელობისა და სოციალური დაცვის სამინისტროს მიერ სულ ჯანდაცვითი პროგრამების ფარგლებში (გარდა პროფსამედიცინო გასინჯვებისა) დახმარება გაეწია 677 ბენეფიციარს (803 ეპიზოდი).

- აფხაზეთიდან იძულებით გადაადგილებულ პირთა სოციალური მხარდაჭერის პროგრამის მიზანს წარმოადგენდა სამედიცინო პერსონალისათვის მედიცინის თანამედროვე მიდგომების თეორიული და პრაქტიკული უნარ-ჩვევების სწავლება. პროგრამა წარმოდგენილი ორი კომპონენტით:

- სამედიცინო გადამზადების კომპონენტის ბიუჯეტმა შეადგინა 18 000 ლარი. გამარტივებულ ელექტრონულ ტენდერში გაიმარჯვა თბილისის სახელმწიფო სამედიცინო უნივერსიტეტმა, რომელთანაც გაფორმდა ხელშეკრულება 14 580 ლარზე. ეკონომიამ შეადგინა 3 420 ლარი. კომპონენტი ითვალისწინებს 30 ექიმის, მათ შორის აფხაზეთის ოკუპირებულ ტერიტორიაზე არსებულ სამედიცინო დაწესებულებებში მომუშავე ექიმთა გადამზადებას (ერთი ექიმის გადამზადების ღირებულებაა 486 ლარი).

საანგარიშო პერიოდში ინდივიდუალური განცხადების საფუძველზე გადამზადებას გადის ექიმთა პირველი 10-კაციანი ჯგუფი, მათ შორის 7 – აფხაზეთის ოკუპირებულ ტერიტორიაზე მოქმედი დაწესებულებების თანამშრომელია, ხოლო 3 – რეგიონის წარმომადგენელი;

➤ სამედიცინო პერსონალის პირველადი გადაუდებელი სამედიცინო დახმარების გადამზადების კომპონენტის ბიუჯეტი განისაზღვრა 15 000 ლარით. გათვალისწინებულია 30 ექიმის გადამზადება. გამოცხადებულია გამარტივებული ელექტრონული ტენდერი;

- *აფხაზეთიდან იგპ-თა გასვლითი პროფილაქტიკური სამედიცინო გასინჯვების პროგრამის* მიზანს წარმოადგენდა ადგილზე ინსტრუმენტული და ლაბორატორიული გამოკვლევების გზით ავადობის აქტიური გამოვლენა, დევნილთა მედიკამენტებითა და ჰუმანიტარული ტვირთით უზრუნველყოფა.

პროგრამის ბიუჯეტი განისაზღვრა 75 000 ლარით. მოიცვა 1 090 ბენეფიციარი (3 950 ვიზიტი ექიმ-სპეციალისტებთან).

პროგრამის ფარგლებში:

- 2017 წლის I კვარტალში *დაბა წყნეთში* გაისინჯა 320-მდე მოქალაქე, განხორციელდა 900-მდე ვიზიტი ექიმ-სპეციალისტთან. გაიცა 9 940,654 ლარის მედიკამენტები. აღსანიშნავია გარეთვე, რომ აქციის ჩატარების დღიდან 2 კვირის ვადაში ექიმების დანიშნულებით და საჭიროებიდან გამომდინარე, წყნეთში დარეგისტრირებული 40-მდე ბენეფიციარი დაფინანსდა სამინისტროს სხვადასხვა მიზნობრივი პროგრამის ფარგლებში. ანალოგიური აქცია ჩატარდა II კვარტალშიც, სადაც გასინჯულ იქნა 150 ბენეფიციარი, განხორციელდა 550-მდე ვიზიტი ექიმ-სპეციალისტებთან, გაიხარჯა 4 536,74 ლარის მედიკამენტები. აქციაში მონაწილეობა მიიღეს როგორც აფხაზეთიდან იგპ-ებმა, ასევე ადგილობრივმა მოსახლეობამ;
- *ქ. ბოლნისში (ბოლნისის მუნიციპალიტეტი)* გაისინჯა 200-მდე მოქალაქე, განხორციელდა 800-მდე ვიზიტი ექიმთან. გაიხარჯა 3 325,07 ლარის მედიკამენტები. აქციაში მონაწილეობა მიიღეს როგორც აფხაზეთიდან იგპ-ებმა, ასევე ადგილობრივმა მოსახლეობამ;
- სამედიცინო გასინჯვები ჩატარდა *იმერეთის რეგიონში (წყალტუბო, ხონის მუნიციპალიტეტი)*. ხონის მუნიციპალიტეტში გაისინჯა 200-მდე მოქალაქე, განხორციელდა 700-მდე ვიზიტი ექიმთან. წყალტუბოში სამედიცინო გასინჯვები ჩატარდა 220-მდე მოქალაქეს, განხორციელდა 1000-მდე ვიზიტი ექიმთან. გაიხარჯა სულ 8 600,25 ლარის მედიკამენტები. აქციაში მონაწილეობა მიიღეს როგორც აფხაზეთიდან იგპ-ებმა, ასევე ადგილობრივმა მოსახლეობამ.

აღსანიშნავია, რომ აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტრომ დაწერა სიახლე – იმერეთის რეგიონში, აქციის ჩატარებისას, დაავადებათა კონტროლის ეროვნულ ცენტრთან ერთად ჩატარდა აქციის მონაწილე პირთა C ჰეპატიტის სკრინინგი. ხონის სამხედრო დასახლებაში გამოკვლეული იყო 66 ბენეფიციარი (დადებითი პასუხი დაფიქსირდა 8 შემთხვევაში), ხოლო წყალტუბოში – 80 ბენეფიციარი (6-ს აღმოაჩნდა დადებითი ტესტი). მათ დეტალურად განემარტათ შემდგომი ტაქტიკა.

აფხაზეთის ავტონომიური რესპუბლიკის მთავრობის ეგიდით და სამინისტროს ორგანიზებით, გაფორმებული ურთიერთთანამშრომლობის მემორანდუმის ფარგლებში, განხორციელდა ერთობლივი აქცია შპს „დავით აბულაძის ქართულ-იტალიურ კლინიკასთან“, რომლის ფარგლებში ჩატარდა აფხაზეთიდან დევნილი მრავალშვილიანი დედების სამედიცინო-დიაგნოსტიკური გამოკვლევები. მიღებულ იქნა 22 ბენეფიციარი, რომელთაც ჩაუტარდათ ფარისებრი ჯირკვლის და მუცლის ღრუს ექოსკოპია, ეკგ, კარდიოლოგის, ოჯახის ექიმის, ენდოკრინოლოგის, ოფთალმოლოგის, ნევროლოგის და გინეკოლოგის კონსულტაციები, აგრეთვე საჭიროებისამებრ გაუკეთდათ პაპ-ტესტი და ნაცხის ბაქტერიოსკოპია.

ბავშვის დაცვის საერთაშორისო დღესთან დაკავშირებით, აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტრომ „ი. ციციშვილის სახელობის ბავშვთა ახალ კლინიკასთან“ ერთად ჩატარა აფხაზეთიდან იძულებით გადაადგილებულ ბავშვთა სამედიცინო-დიაგნოსტიკური გასინჯვები. ბავშვებს გაეწიათ ვიწრო სპეციალისტების კონსულტაციები და, საჭიროებისამებრ, ჩაუტარდათ ლაბორატორიულ-ინსტრუმენტული გამოკვლევები. მომსახურებულ იქნა სულ 38 ბენეფიციარი, განხორციელდა 80-მდე ვიზიტი ექიმთან.

გარდა ამისა, აფხაზეთის ავტონომიური რესპუბლიკის ჯანდაცვის სამინისტრო ახორციელებდა როგორც აფხაზეთიდან დევნილი, ასევე აფხაზეთის ოკუპირებულ ტერიტორიაზე მცხოვრები მოსახლეობის სამედიცინო დახმარების ხელშემწყობ საქმიანობას, მათი ჯანმრთელობის მდგომარეობის მონიტორინგს, განსახლებას. სამინისტროს დახმარებისათვის მიმართა ოკუპირებულ ტერიტორიაზე მცხოვრებმა აფხაზი ეროვნების 401-მა პირმა. სამინისტრომ განახორციელა აფხაზ პაციენტთა თანმხლები პირების დროებითი საცხოვრებლით უზრუნველყოფის პროექტი. რეფერალური ობიექტით ისარგებლა ოკუპირებული აფხაზეთის ტერიტორიაზე ლეგიტიმურად მცხოვრებმა 10-მა ბენეფიციარმა თანმხლებ პირებთან ერთად. თითოეული მოსარგებლის ჩასახლება აღნიშნულ ობიექტზე განხორციელდა „აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს რეფერალური ობიექტით სარგებლობის წესის“ შესაბამისად.

საანგარიშო პერიოდში, აფხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროსა და ორგანიზაციის „კამპუს ლაიონს კლუბ თბილისი“ თანამშრომლობის ფარგლებში 55 შაოსან დედას გადაეცა საყოფაცხოვრებო ნივთები. ამავე

ორგანიზაციასთან თანამშრომლობით, ლუკავების მრავალშვილიან ოჯახს გადაეცა სარეცხი მანქანა და პლაზმური ტელევიზორი.

ორგანიზაციასთან „საქართველოს ქალები მშვიდობისათვის“ თანამშრომლობით, შეზღუდული შესაძლებლობის მქონე 10 პირს გადაეცა ადაპტირებული გადასაადგილებელი ეტლი. ამჟამად გამზადებულია კიდევ 5 ეტლი, რომელიც უახლოეს პერიოდში გადაეცემა სამეგრელო-ზემო სვანეთის რეგიონში მცხოვრებ დევნილებს.

განათლება, კულტურა, სპორტი

საანგარიშო პერიოდში აფხაზეთის ავტონომიური რესპუბლიკის განათლებისა და კულტურის სამინისტროს მიერ განხორციელდა შემდეგი პროგრამები და ქვეპროგრამები:

- „სასკოლო ინფრასტრუქტურისა და სასწავლო გარემოს გაუმჯობესება“
ქვეპროგრამის ფარგლებში დადებითად გადაწყდა:
 - სსიპ თემურ ბოკუჩავას სახელობის აფხაზეთის №7 საჯარო სკოლის საქვების სარეაბილიტაციო სამუშაოების განსახორციელებლად საჭირო მასალების შესაძენად 1 583,4 ლარის გამოყოფის საკითხი;
 - სსიპ ვ. ვეკუას სახელობის აფხაზეთის საჯარო სკოლისათვის სველი წერტილების მოსაწესრიგებელი სამუშაოების განსახორციელებლად საჭირო მასალების შესაძენად 2 395 ლარის გამოყოფის საკითხი.
- „წარმატებული ახალგაზრდების მხარდაჭერის პროგრამა“
საანგარიშო პერიოდში განხილულ იქნა 134 განცხადება. პროექტით განსაზღვრული კრიტერიუმების მიხედვით დაფინანსდა 87 წარმატებული ახალგაზრდა აფხაზეთიდან.
- „კარიერის დაგეგმვის, პროფესიული განათლებისა და სკოლებში სახელობო-შემოქმედებითი ინიციატივების ხელშეწყობა“
ქვეპროგრამის ფარგლებში, საანგარიშო პერიოდში, კომისიის მიერ გადაწყდა აფხაზეთის საჯარო სკოლებისათვის მცირე სახელოსნოს მოსაწყობად და საჭირო ნივთების შესაძენად 1 746,95 ლარის გამოყოფა.
- „გალის რაიონის სკოლამდელი აღზრდისა და სახელოვნებო სკოლების პედაგოგთა და ადმინისტრაციულ-ტექნიკური პერსონალის ფინანსური დახმარება“
ქვეპროგრამის ფარგლებში დაფინანსდა გალის რაიონის სკოლამდელი აღზრდის დაწესებულებების, მუსიკალური და სამხატვრო სკოლების 135 პედაგოგი და ადმინისტრაციულ-ტექნიკური პერსონალი.

- „შემეცნებითი საგანმანათლებლო პროგრამა შეზღუდული შესაძლებლობის მქონე (შშმ) მოზარდებისათვის“

ცენტრ „თანადგომასთან“ ერთად 10 შეზღუდული შესაძლებლობის მქონე მოზარდს ჩაუტარდა შრომითი უნარ-ჩვევების განვითარების პრაქტიკული კურსი, რომელიც მოიცავდა 8 გაკვეთილს და შედგებოდა როგორც გონების გასააქტიურებელი სავარჯიშოებისაგან, ასევე თერაპიის ნაწილისაგან.

- „აფხაზეთის მოზარდები მედია პროექტში „ეტალონი“

მედია პროექტში მონაწილეობა მიიღო აფხაზეთიდან დევნილმა 43 მოზარდმა. გამარჯვებული გახდა აფხაზეთის №11 საჯარო სკოლის მოსწავლე.

- „აფხაზური ენის პედაგოგების გადამზადების ქვეპროგრამა“

განხორციელდა აფხაზური ენის პედაგოგების პროფესიული განვითარების ტრენინგი მასწავლებელთა განვითარების პროფესიული ცენტრის მიერ შექმნილი აფხაზური ენის პედაგოგების გადამზადების ტრენინგ-მოდულის მიხედვით. გადამზადება გაიარეს აფხაზეთის საჯარო და ოკუპირებული გალის რაიონის საშუალო სკოლის აფხაზური ენის პედაგოგებმა, მასწავლებლობის მსურველმა პირებმა (6 ბენეფიციარი).

- „დიმიტრი (არზაყან) ემუხვარისა და ჟიული შარტავას სახელობის სტიპენდიები“

ქვეპროგრამის ფარგლებში შექმნილმა კომისიამ განიხილა უმაღლესი საგანმანათლებლო დაწესებულებიდან შემოსული 8 წარდგინება-რეკომენდაცია. შედეგად, ჟიული შარტავას სახელობის სტიპენდია მიენიჭა იაკობ გოგებაშვილის სახელობის თელავის სახელმწიფო უნივერსიტეტის ჰუმანიტარულ მეცნიერებათა ფაკულტეტის ისტორიის საბაკალავრო საგანმანათლებლო პროგრამის მეოთხე კურსის სტუდენტს.

პროგრამის ბიუჯეტი იყო 3 100 ლარი. ხარჯმა შეადგინა 900 ლარი;

- კულტურული ღონისძიებების მხარდაჭერის პროგრამა

პროგრამა ემსახურება ქვეყანაში არსებული აფხაზეთის შემოქმედებითი რესურსისა და ხელოვნების სხვადასხვა დარგის დაცვას, განვითარებას, პოპულარიზაციას. აფხაზეთისა და საქართველოს შემოქმედებით ორგანიზაციებს შორის ტრადიციული კულტურული კავშირების განმტკიცებას, ხელოვნების სფეროში თავისუფალი, დაცული და კონკურენტული გარემოს ჩამოყალიბებას. პროგრამის ფარგლებში განხორციელდა ქვეპროგრამა ქართულ-აფხაზური კულტურის პოპულარიზაცია, რომელიც ითვალისწინებდა საქართველოსა და საერთაშორისო აუდიტორიის წინაშე აფხაზეთის კულტურის, კულტურული მემკვიდრეობისა და ხელოვნების წარდგენას, როგორც ერთიანი ქართული კულტურული მემკვიდრეობის ნაწილისა. ასევე ხელოვნების, შემოქმედებითი კოლექტივებისა და კულტურის სფეროში მოღვაწე

ფიზიკური თუ იურიდიული პირების ფინანსურ მხარდაჭერას მათი კონკურსებში, ფესტივალებში, კულტურის დღეებში და ფორუმებში მონაწილეობის უზრუნველსაყოფად. პროგრამის ფარგლებში მოეწყო სხვადასხვა ღონისძიებები, გამოფენები, გასტროლები საზღვარგარეთ. ასევე, არასამთავრობო ორგანიზაცია „ქართულ-აფხაზური და ქართულ-ოსური“ სახლის პროექტის „მსოფლიო ხვდება საქართველოს“ ფარგლებშიც შედგა ქართულ-აფხაზური კულტურის საგანძურის ექსკლუზიური კოლექციითა ფოტო-რეპროდუქციების გამოფენა-პრეზენტაცია და სამეცნიერო-პოპულარული დისკუსია გამართა ბრიუსელსა და ლუვენში.

- აფხაზეთის მეცნიერთა მხარდაჭერის პროგრამა

პროექტის ფარგლებში:

- 821 ლარით დაფინანსდა სორბონის უნივერსიტეტის დოქტორანტის ნანა გაგუას მგზავრობა საფრანგეთში სადოქტორო დისერტაციასთან დაკავშირებით, რომლის თემა იყო „შეიარაღებული ძალების როლი საქართველოს უსაფრთხოების უზრუნველყოფაში სახელმწიფოებრივი დამოუკიდებლობის, ფიზიკური ომებისა და რეგიონალური გამოწვევების პირობებში“;
- 2 000 ლარით დაფინანსდა ბიოლოგიის დოქტორის, სოხუმის სახელმწიფო უნივერსიტეტის პროფესორის ნონა მიქაიას მიერ წარმოდგენილი პროექტი, რომელიც ეხება მის მონაწილეობას სან დიეგოში დაგეგმილ სამეცნიერო კონფერენციაზე მოხსენებით „ენტომოპათოგენური ნემატოდებით სასოფლო-სამეურნეო კულტურების მავნებლების წინააღმდეგ ბრძოლის ახალი კონცეფციის დადგენა და განვითარება“.

- „სპორტული ღონისძიებების ხელშეწყობის პროგრამა“

ქვეპროგრამის „სპორტულ ინიციატივათა მხარდაჭერის ქვეპროგრამა“ ფარგლებში აფხაზეთის სპორტსმენებმა მონაწილეობა მიიღეს აფხაზეთის ღია პირველობებში და საერთაშორისო ტურნირებში სპორტის სხვადასხვა სახეობებში. დაფინანსდა სპორტსმენთა მგზავრობა შეჯიბრებებზე, შემენილ იქნა სპორტული ინვენტარი.


ეკონომიკის სფერო

ბიზნეს სექტორი

2017 წლის I ნახევარში აფხაზეთის ავტონომიური რესპუბლიკის ბიზნეს სექტორის ორგანიზაციებში, რომელთაც მართავს როგორც აფხაზეთის ავტონომიური რესპუბლიკის ფინანსთა და ეკონომიკის სამინისტრო, ასევე სსიპ “საწარმოთა მართვის სააგენტო”, საშუალოდ 1 536 კაცი მუშაობდა. დასაქმებულთა შრომის ანაზღაურებამ ამ პერიოდში

სულ შეადგინა 7 873,3 (მ.შ. II კვარტალში – 4 106,1) ათასი ლარი, საშუალო ხელფასის ოდენობამ თვეში – 854,3 (მ.შ. II კვარტალში – 891,1) ლარი.

დიაგრამა № 4: საშუალო თვიური ხელფასების შედარება 2017/6თვე-2016/6თვე მოქმედ ფასებში




როგორც №4 დიაგრამიდან ჩანს, 2017 წლის I ნახევარში საშუალო ნომინალური ხელფასი თვეში ერთ მომუშავეზე დაფიქსირდა 854,3 ლარის დონეზე, რაც 2016 წლის ანალოგიურ პერიოდთან (841,5 ლარი) შედარებით გაიზარდა 1,5 პროცენტით.

პროდუქციის ბრუნვა¹ და გამოშვება²

2017 წლის I ნახევარში ბიზნეს საწარმოთა მიერ პროდუქციის ბრუნვა/გამოშვება განისაზღვრა 34 671,9 (მ.შ. II კვარტალში – 22 708,3) ათასი ლარით.

დიაგრამა № 5: პროდუქციის ბრუნვა/გამოშვება 2017/6თვე-2016/6თვე



¹პროდუქციის ბრუნვა – არის საანგარიშო პერიოდში ეკონომიკური ერთეულის მიერ განხორციელებული გაყიდვები ანუ დარიცხული შემოსავლები საქონლისა და მომსახურების გაყიდვებიდან (ბარტერის ჩათვლით). ბრუნვა მოიცავს ყველა გადასახადსა თუ ბაჟს საქონელსა და მომსახურებაზე (დღგ-ისა და აქციზის გარდა). მასში ჩაირთვება აგრეთვე ყველა ხარჯი (სატრანსპორტო, შეფუთვის და ა.შ.), რომლებიც დაეკისრება მყიდველს. ფასთა დაწვევა, ფასდაკლებები თუ ფასდათმობები, აგრეთვე დაბრუნებული ტარის ღირებულება შეიძლება გამოირიცხოს ბრუნვიდან (ნაღდი ანგარიშსწორებისას მხოლოდ ფასდაკლებების გამორიცხვით). ბრუნვაში არ ჩაირთვება აქტივების გაყიდვა, აგრეთვე სუბსიდიები.

²პროდუქციის გამოშვება – განსაზღვრავს ეკონომიკური ერთეულის მიერ ფაქტობრივად წარმოებული პროდუქციის რაოდენობას და რეალიზებული პროდუქციის მოცულობას, გადაყიდვისათვის შეძენილი საქონლისა და მომსახურების, აგრეთვე მატერიალური საბრუნავი საშუალებების მარაგების ცვლილებების ჩათვლით.


დიაგრამიდან №5 ჩანს, რომ 2017 წლის I ნახევარში პროდუქციის ბრუნვა და გამოშვება 2016 წლის ანალოგიურ პერიოდთან შედარებით (29 524,0 ათასი ლარი) გაიზარდა 5 147,9 ათასი ლარით, ანუ 17,4 პროცენტით.

საანგარიშო პერიოდში პროდუქციის ბრუნვისა და გამოშვების საერთო მოცულობაში ძირითადი წილი (99,7%) მოდის ენერგეტიკაზე – 34 767,9 (მ.შ. II კვარტალში – 22 507,8) ათასი ლარი, ხოლო დანარჩენ საწარმოებზე – 396,1 (მ.შ. II კვარტალში – 200,5) ათასი ლარი მათ შორის სამედიცინო პროფილის (პოლიკლინიკები) – 373,7 (მ.შ. II კვარტალში – 186,8) ათასი ლარი.

2017 წლის I ნახევარში ენერგოსაწარმოებმა (შპს „ენგურჰესი“ და შპს „ვარდნილჰესების კასკადი“) წინასწარი მონაცემებით სულ 1 974,9 (მ.შ. II კვარტალში – 1 281,4) მლნ.კვტ.სთ ელექტროენერგია გამოიმუშავეს. წინა წლის ანალოგიურ პერიოდთან შედარებით (1 926,3 მლნ. კვტ.სთ.) ელექტროენერგიის გამომუშავება გაიზარდა 2,5%-ით.

საანგარიშო პერიოდში ამ საწარმოებში დასაქმებული იყო სულ 1 154 კაცი, რომელთა საშუალო ხელფასი თვეში განისაზღვრა 1 014,4 (მ.შ. II კვარტალში – 1 060,1) ლარით, რაც 0,5 პროცენტით მეტია წინა წლის ანალოგიურ მაჩვენებელთან (1 009 ლარი) შედარებით.

დიაგრამა № 6: ენერგოსაწარმოების მიერ გამომუშავებული პროდუქციის ბრუნვა/გამოშვება 2017/6თვე-2016/6თვე



აფხაზეთის ავტონომიური რესპუბლიკის სახელმწიფო წილით დაფუძნებული საწარმოების ფუნქციონირების შედეგები

საანგარიშო პერიოდში აფხაზეთის ავტონომიური რესპუბლიკის ფინანსთა და ეკონომიკის სამინისტროს მართვაში იყო 17 შპს, რომელთაგან 14 საწარმო წარმოადგენდა სამედიცინო პროფილის დაწესებულებას (პოლიკლინიკები).

2017 წლის I ნახევარში, წინასწარი მონაცემებით, აღნიშნული შპს-ების საერთო შემოსავალმა შეადგინა 1 132 517 ლარი, მოგებამ – 72 452 ლარი, წმინდა მოგებამ – 61 585 ლარი. ხარჯები განისაზღვრა 1 060 387 ლარით. მოგების გადასახადმა შეადგინა 10 867 ლარი. მოგების თანაფარდობამ შემოსავალთან შეადგინა 6,4%.

შპს-ების საერთო შემოსავალი 2016 წლის ანალოგიური პერიოდის მაჩვენებელთან (1 119 689 ლარი) შედარებით გაიზარდა 12 828 ლარით ანუ 1,1%-ით, ხოლო მოგება (2016 წლის I

ნახევარში – 86 916 ლარი) შემცირდა 14 464 ლარით ანუ დაახლოებით 16,6%-ით. მოგების შემცირება გამოწვეული იყო დანახარჯების ზრდით (2016 წლის ანალოგიურ პერიოდთან შედარებით გაიზარდა 26 703 ლარით ანუ 2,6%-ით) ძირითადად შპს „ავტოტრანსსერვისის“ ხარჯზე, რომლის მოგება საანგარიშო პერიოდში გასული წლის შესაბამის პერიოდთან შედარებით შემცირდა 11 637 ლარით.

სსიპ აფხაზეთიდან იძულებით გადაადგილებულ პირთა სტაჟირების, კვალიფიკაციის ამაღლებისა და დასაქმების ხელშეწყობის ცენტრის „ბიზნესინკუბატორი“ (შემდგომ – „ბიზნესინკუბატორი“) მონაცემებით, სარგებლობაში არსებული ფართებიდან 2017 წლის დასაწყისისათვის კომერციულად დატვირთული იყო 2729 კვ.მ. ამ ფართებზე მომუშავე კომპანიებში დასაქმებული იყო 54 ადამიანი, აქედან – 28 დევნილი.

საანგარიშო პერიოდში დამატებით იჯარით გაიცა 216 კვ.მ.ფართი. შემოვიდა ხის დამამუშავებელი საამქრო. ასევე, ახალგადმოცემული ფართიდან იჯარით გაიცა 1403,78 კვ.მ ფართი, სადაც იგეგმება პლასტმასის მილების საწარმოებელი დანადგარების დამონტაჟება. აგრეთვე, აუქციონზე გამოვლინდა 324 კვ.მ. ფართზე იჯარის გამარჯვებული, რომელთანაც გაფორმდება ხელშეკრულება. ახალგადმოცემული ფართის დატვირთვა გრძელდება. აღნიშნულ ფართებზე დამატებით დასაქმდა 13 ადამიანი.

სულ „ბიზნესინკუბატორში“ მოქმედ კომპანიებში დასაქმდა 80-ზე მეტი ადამიანი.

გარდა ამისა, საანგარიშო პერიოდში:

- ექვსმა სტაჟიორმა გაიარა 7-თვიანი სტაჟირების სრული კურსი. მათ გადაეცათ სერტიფიკატები;
- გაუქმდა ხელშეკრულება შპს „აქვა ბილდ“-თან განცხადების საფუძველზე, მათი ფინანსური პრობლემების გამო;
- გაფორმდა ხელშეკრულება აუქციონზე გამარჯვებულ კომპანიასთან შპს „ენდე+“ 864 კვ.მ ფართზე;
- გამოცხადებულ აუქციონზე გამოვლინდა 3 გამარჯვებული, რომელთანაც გაფორმდა საიჯარო ხელშეკრულება. შედეგად, ორმა მოქმედმა კომპანიამ გააფართოვა საქმიანობა. დამატებით შეიქმნა სამუშაო ადგილი. დაიტვირთა 1345 კვ.მ საწარმოო ფართი და შეიქმნა სამუშაო ადგილები.

მ.წ. I ნახევარში „ბიზნესინკუბატორის“ იჯარის შემოსავლებმა სულ შეადგინა 19 350 ლარი, რაც გასული წლის ანალოგიური პერიოდის მაჩვენებელს (13 732 ლარი) აღემატება 5 618 ლარით ანუ 29%-ით.

სოფლის მეურნეობა

აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის მუშაობის პრიორიტეტული მიმართულებებია დევნილთა დასაქმების ხელშეწყობა, ოკუპირებულ ტერიტორიაზე მოსახლეობის დახმარება მცენარეთა დაცვისა და ვეტერინარიის საკითხებში, კოლხური ბზის გადარჩენის სახელმწიფო პროგრამაში ჩართულობა, გარემოსდაცვითი საქმიანობა, იძულებით გადაადგილებულ პირთათვის საერთაშორისო და დონორი ორგანიზაციების მხარდაჭერით საარსებო წყაროებზე წვდომის ხელშეწყობი საქმიანობა.

საანგარიშო პერიოდში დაგეგმილი ღონისძიებების ფარგლებში გამოქვეყნდა ინფორმაციული ხასიათის 50 ბიულეტენი „სასათბურე კონსტრუქციები და მათი მოწყობის პრინციპები“, რომლებიც დაურიგდა იგპ-თა იმ კატეგორიას, რომლებიც პრაქტიკულად დაკავებულნი არიან სასათბურე ბიზნესით ან აპირებენ საქმის დაწყებას. ბიულეტენები ასევე დაურიგდათ დევნილთა წარმომადგენლობებს რეგიონებში აღნიშნულ სფეროში დასაქმების მსურველთა ინფორმაციული ხელშეწყობისათვის.

ჟურნალში „აგრარული საქართველო“ გამოქვეყნდა აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის სპეციალისტთა 4 ნაშრომი, რომლებიც, თავის მხრივ, საკონსულტაციო ფუნქციების მატარებელია ფერმერთათვის. მიმდინარეობდა იგპ-თა კონსულტირება მეფუტკრეობის, ჩაის წარმოებისა და მეკურდღლეობის განვითარების საკითხებთან დაკავშირებით. გარდა ამისა, დეპარტამენტი აქტიურად ეხმარებოდა დევნილებს სარგებლობაში არსებული მიწის ნაკვეთების დაკანონებისთვის საჭირო დოკუმენტაციის შედგენაში.

„აზიური ფაროსანას წინააღმდეგ გასატარებელი ღონისძიებების შესახებ“ საქართველოს მთავრობის განკარგულების თანახმად, გალის რაიონის თხილის ფართობების დამუშავებისათვის მუშახელის შრომის ანაზღაურების დასაფინანსებლად აფხაზეთის მთავრობას გამოეყო საჭირო თანხა, ასევე 7200 ტონა ქიმიური პრეპარატი „ზონდერი“ 6000 ჰექტარის ორჯერადი წამლობის ჩასატარებლად და შესაბამისი სპეციალური ვილოზა. პარალელურად მიმდინარეობდა სამუშაოები თხილის კვირტის ტკიპით დაზიანებული ნარგავების დასამუშავებლად. დამუშავდა 849 ჰექტარი.

მნიშვნელოვანი ღონისძიებები გატარდა აფხაზეთის ოკუპირებულ ტერიტორიაზე, კერძოდ:

- განხორციელდა საგაზაფხულო აგროტექნიკური და მექანიკური ღონისძიებების მიმდინარეობის მონიტორინგი;
- ვეტმომსახურების მიზნით გამოყოფილი 20 000 ლარის ფარგლებში შეძენილ იქნა 30 დასახელების ვეტპრეპარატი და საჭირო მოწყობილობები;

- ჩატარდა შინაური ცხოველებისა და ფუტკართა დაავადებების საპროფილაქტიკო-სამკურნალო ღონისძიებები.

საანგარიშო პერიოდში, „კოლხური ბზის საბაზისო სანერგე მეურნეობის“ იმპლემენტაციის მიზნით სააგენტოს თანამშრომლების მიერ დაკალმებულ იქნა 30 000 ბზის დასაკალმებელი მასალა, რომელიც დამზადებულ იქნა ტყიბულის რაიონში, შემდგომ ბზის ნერგების გამოყვანის მიზნით. ღია გრუნტში მოეწყო ახალი ბზის სანერგე. სანერგე მეურნეობებში წარმოებდა კოლხური ბზის ნერგების მოვლის მონიტორინგი. აღსანიშნავია, რომ 14 ბენეფიციარის მიერ აღებული ვალდებულებები შესრულდა და აღებულ იქნა პირველი მოსავალიც.

სისტემატურად ტარდებოდა ტერიტორიის დასუფთავებისა და გამწვანების სამუშაოები. გლდანის ყოფილი ნაგავსაყრელის ტერიტორიაზე დაირგო 350 ძირი ფიჭვის ნერგი.

გარემოს დაცვის სამმართველოს თანამშრომლები ჩართულნი იყვნენ სახელმწიფო და საერთაშორისო გარემოსდაცვითი და სატყეო დარგის პროექტებსა და საგრანტო პროგრამებში.

საანგარიშო პერიოდში აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტის სპეციალისტები მონაწილეობდნენ გარემოსდაცვითი საკანონმდებლო აქტების მომზადებასა და ამ მიზნით შექმნილი სამუშაო ჯგუფის საქმიანობაში.

სახელმწიფო ქონების მართვა და პრივატიზება

სახელმწიფო ქონების მართვისა და პრივატიზაციის დეპარტამენტი საანგარიშო პერიოდში განკარგავდა აფხაზეთის ავტონომიური რესპუბლიკის კუთვნილ უძრავ და მოძრავ ქონებას, კერძოდ:

აფხაზეთის ავტონომიური რესპუბლიკის ფინანსთა და ეკონომიკის სამინისტროს გადმოეცა:

მოძრავი ქონება

- აფხაზეთის ავტონომიური რესპუბლიკის მთავრობის საქვეუწყებო დაწესებულება – ადმინისტრაციულ-სამეურნეო სამმართველოს ბალანსზე რიცხული სატრანსპორტო საშუალება TOYOTA LAND CRUISER-100 სახ. ნომრით JQJ-327, 2007 წლის გამოშვება, საიდენტიფიკაციო ნომრით, საწყისი საბალანსო ღირებულებით 72 450,0 ლარი, საბალანსო ღირებულებით გადმოცემის პერიოდისათვის 40 062,40 ლარი, ნარჩენი ღირებულებით 13 140,46 ლარი;
- სამეგრელო-ზემო სვანეთის რეგიონში აფხაზეთის ავტონომიური რესპუბლიკის მთავრობის წარმომადგენლობის ბალანსზე რიცხული ავტომანქანა TOYOTA RAV4

სახ. ნომრით OB033BO, 2001 წლის გამოშვება, სარეგისტრაციო მოწმობის ნომრით EV0413262, საწყისი საბალანსო ღირებულებით 19 000,0 ლარი, ნარჩენი ღირებულებით 0,0 ლარი;

- ავხაზეთის ავტონომიური რესპუბლიკის უმაღლესი საბჭოს ბალანსზე რიცხული ავტოსატრანსპორტო საშუალება ნისან პესფაინტერი, სახ. ნომრით CAA104, 1997 წლის გამოშვება, საიდენტიფიკაციო ნომრით №JN8ARD5Y7VWL55968, საწყისი საბალანსო ღირებულებით 15 941,21 ლარი, ნარჩენი ღირებულებით 1 657,85 ლარი;
- ავხაზეთის ავტონომიური რესპუბლიკის ჯანმრთელობისა და სოციალური დაცვის სამინისტროს მიერ:
 - ავტომანქანა UAZ39629 სახ. ნომრით TDT676, 2008 წლის გამოშვება, საიდენტიფიკაციო ნომრით XTT39629080436614, ნარჩენი ღირებულებით 8 000,0 ლარი;
 - ავტომანქანა UAZ396259 სახ. ნომრით YGL162, 2006 წლის გამოშვება, საიდენტიფიკაციო ნომრით XTT396259604475130, ნარჩენი ღირებულებით 7 000,0 ლარი;
- სსიპ – სახელმწიფო ქონების ეროვნული სააგენტოს სამეგრელო-გურია-ზემო სვანეთის მომსახურების ცენტრის მიერ:
 - 7200 ლიტრი ინსექტიციდი ზონდერი;
 - ზურგსაკიდი შემსხურებელი აგრეგატი SOLO PORT 423 (182 ცალი);
 - დამცავი კომბინიზონი 2910 ცალი;
 - რესპირატორი 370 ცალი;
 - დამცავი ხელთათმანი 740 წყვილი;
 - დამცავი სათვალე 370 ცალი;
 - ხმაურის ჩამხშობი (ყურის საცობი) 800 ცალი;
 - ორტაქტიანი ძრავის ზეთი 960 ლიტრი.

უძრავი ქონება

საქართველოს თავდაცვის სამინისტროს შეიარაღებული ძალების გენერალური შტაბის ჯარების ლოგისტიკური უზრუნველყოფის სარდლობის ლოგისტიკის ცენტრის (აღმოსავლეთი) ბალანსზე რიცხული გარდაბნის რაიონში, სოფ. ვაზიანის სამხედრო ქალაქი №1 (513 კვ.მ მიწის ნაკვეთი საკადასტრო კოდი №81.10.30.726.) და მასზე დამაგრებული შენობა-ნაგებობა გ.გ.№109 ყოფილი საყოფაცხოვრებო მომსახურების კომბინატი (აშენების თარიღი 1970 წ.) ნარჩენი საბალანსო ღირებულებით 18 040,59 ლარი.

აფხაზეთის ავტონომიური რესპუბლიკის ფინანსთა და ეკონომიკის სამინისტროს მიერ გადაეცა:

მოდრავი ქონება

- შპს „ავტოტრანსსერვის“:
 - ავტომანქანა TOYOTA RAV4 სახ. ნომრით OB033BO, 2001 წლის გამოშვება, სარეგისტრაციო მოწმობის ნომრით EV0413262, საწყისი საბალანსო ღირებულებით 9 064,26 ლარი;
 - სატრანსპორტო საშუალება TOYOTA LAND CRUISER-100 სახ. ნომრით JQJ-327, 2007 წლის გამოშვება, საიდენტიფიკაციო ნომრით JTECJ09JX05512286, საწყისი საბალანსო ღირებულებით 72 450,0 ლარი, ნარჩენი ღირებულებით 13 140,46 ლარი;
 - ავტოსატრანსპორტო საშუალება ნისან პესფაინტერი, სახ. ნომრით CAA104, 1997 წლის გამოშვება, საიდენტიფიკაციო ნომრით №JN8ARD5Y7VWL55968, საწყისი საბალანსო ღირებულებით 15 941,21 ლარი, ნარჩენი ღირებულებით 1 657,85 ლარი;
 - ავტომანქანა „მერსედეს ბენც C 200“, სახელმწიფო ნომრით FVF-308, საიდენტიფიკაციო ნომრით WDB2030451A008609, გამოშვების წელი 2000, საწყისი ღირებულებით 15 000,0 ლარი, ნარჩენი ღირებულებით 8 690,29 ლარი;
 - ავტომანქანა „ოპელ ვექტრა 1,6“ სახელმწიფო ნომრით HLH-262, საიდენტიფიკაციო ნომრით WOL000089S7597722, გამოშვების წელი 1995, საწყისი ღირებულებით 1571,18 ლარი;
- აფხაზეთის ავტონომიური რესპუბლიკის სავაჭრო-სამრეწველო პალატას:
 - მაგიდა – 2 ცალი საბალანსო ღირებულებით სულ 530,0 ლარი, ნარჩენი ღირებულებით სულ 52,15 ლარი;
 - მცირეფასიანი ინვენტარი – მაგიდა საბალანსო ღირებულებით 222,79 ლარი.
- აფხაზეთის ავტონომიური რესპუბლიკის სოფლის მეურნეობის, გარემოს დაცვისა და ბუნებრივი რესურსების დეპარტამენტს:
 - 7200 ლიტრი ინსექტიციდი ზონდერი;
 - ზურგსაკიდი შემსხურებელი აგრეგატი SOLO PORT 423 (182 ცალი);
 - დამცავი კომბინიზონი 2910 ცალი;
 - რესპირატორი 370 ცალი;
 - დამცავი ხელთათმანი 740 წყვილი;
 - დამცავი სათვალე 370 ცალი;
 - ხმაურის ჩამხშობი (ყურის საცობი) 800 ცალი;
 - ორტაქტიანი ძრავის ზეთი 960 ლიტრი.

- შპს „აფხაზეთიდან იგპ ოფთალმოლოგიურ კლინიკას“ – მეორადი გამოყენების მულტიფუნქციური პრინტერი „Canon MF3228“ საბალანსო ღირებულებით 40,0 ლარი;
- სსიპ – სასწრაფო სამედიცინო დახმარების ცენტრს:
 - ავტომანქანა UAZ39629 სახ. ნომრით TDT676, 2008 წლის გამოშვება, საიდენტიფიკაციო ნომრით XTT39629080436614, ნარჩენი ღირებულებით 8 000,0 ლარი;
 - ავტომანქანა UAZ396259 სახ. ნომრით YGL162, 2006 წლის გამოშვება, საიდენტიფიკაციო ნომრით XTT396259604475130, ნარჩენი ღირებულებით 7 000,0 ლარი;

სხვა სამუშაოები:

- დეპარტამენტი ახორციელებს სახელმწიფოს 100% წილობრივი მონაწილეობით დაფუძნებული საწარმოების მართვას, მათი ხელშეწყობის მიზნით წლიური და კვარტალური ანგარიშების ანალიზისა და ანალიზის შედეგებიდან გამომდინარე წინადადებებისა და რეკომენდაციების შემუშავებას საწარმოების მიერ მოთხოვნილი (რეინვესტირებული) თანხის მიზნობრივ გამოყენებაზე.
- შესწავლილ და გაანალიზებულ იქნა საწარმოთა 2016 წლის ფინანსური ანგარიშები;
- შემუშავებულ და დამტკიცებულ იქნა (კორექტირებული, რეალური შემოსავლების გათვალისწინებით) საწარმოების 2017 წლის ბიზნეს გეგმები;
- საწარმოთა მატერიალურ-ტექნიკური ბაზის გაუმჯობესების მიზნით (ძირითადად სამედიცინო დაწესებულებებისათვის), ფულადი სახსრების დეფიციტის პირობებში, მისი ეფექტური და სწორი გამოყენების მიზნით, შემუშავებულ იქნა წინადადებები, კერძოდ ლიზინგის წესით საჭირო და აუცილებელი ძვირადღირებული სამედიცინო მანქანა-დანადგარების შეძენის შესახებ;
- საწარმოთა ფართით უზრუნველყოფის მიზნით, მიმდინარეობს კონსულტაციები საქართველოს ადმასრულებელი ხელისუფლების შესაბამის სტრუქტურებთან.

გეოლოგია

აფხაზეთის გეოლოგიისა და მინერალური რესურსების სააგენტო საანგარიშო პერიოდში მუშაობდა 2017 წლის დამტკიცებული სამუშაო გეგმის შესაბამისად. 2017 წლის 6 თვეში:

- შესწავლილ იქნა აფხაზეთის მინერალური რესურსული კომპლექსის სოციალურ-ეკონომიკური განვითარების საფუძველი;
- მოძიებულ იქნა საქართველოს გეოლოგიურ ფონდებში აფხაზეთის ტერიტორიის ზოგადი გეოლოგიურ-მინერაგენიული მასალები;
- გეოლოგიურ ფონდებში არსებული ანგარიშების საფუძველზე მოძიებულ იქნა საბადოები სამშენებლო მასალებისათვის და ქიმიური მრეწველობისათვის.

საქვეუწყებო დაწესებულება – ინფრასტრუქტურისა და დარგობრივ საკითხთა დეპარტამენტი

დეპარტამენტის საქმიანობის ძირითად მიმართულებას წარმოადგენდა საქართველოს სხვადასხვა რეგიონში კომპაქტურად ჩასახლებული იგპ-ების საცხოვრებელი შენობა-ნაგებობების საინჟინრო ინფრასტრუქტურის მდგომარეობის შესწავლა და ანალიზი, საჭირო სარემონტო სამუშაოების მოცულობის დადგენა და შესაბამისი დეფექტური აქტების, ტექნიკური დოკუმენტაციების შედგენა.

აღნიშნულ პერიოდში, აფხაზეთის მთავრობის დავალების თანახმად, შემუშავებულ და წარმოდგენილ იქნა კომპაქტურად ჩასახლებული დევნილების საყოფაცხოვრებო პირობების გასაუმჯობესებლად გადაუდებელი სამუშაოების საორიენტაციო ღირებულებების დადგენა რეგიონების მიხედვით.

სარეაბილიტაციო სამუშაოების განხორციელებისა და არსებული პრობლემების გასაცნობად დეპარტამენტის თანამშრომლები მივლინებულ იყვნენ სენაკში, ბათუმში, ფოთსა და ზუგდიდში აფხაზეთიდან იგპ-თა კომპაქტურად ჩასახლებულ ობიექტებში. კერძოდ:

- ბათუმში, ბენზეს დასახლებაში იგპ-თა ბინაში ჩატარდა სარემონტო სამუშაოები, შეიცვალა საკანალიზაციო სისტემა. შედგა შესაბამისი ხარჯთაღრიცხვა და ნახაზი;
- ფოთში, მალთაყვას დასახლებაში მცხოვრები დევნილების საყოფაცხოვრებო პირობების გაუმჯობესების მიზნით ქალაქის მერთან შეხვედრისას გადაწყდა შენობის აშენება, რომლის პირველ სართულზე განთავსდება ბაზრობა, ხოლო მეორე სართულზე – სარიტუალო დარბაზი. პროექტი მოწოდებულ იქნა ფოთის მერიის მიერ. ამჟამად მიმდინარეობს მოლაპარაკებები მიწის გამოყოფის თაობაზე

საქართველოს ეკონომიკისა და მდგრადი განვითარების სამინისტროსთან. მომზადდა შესაბამისი ხარჯთაღრიცხვა;

- ზუგდიდში დასრულდა აფხაზეთის ავტონომიური რესპუბლიკის სამეგრელო-ზემო სვანეთის წარმომადგენლობის ადმინისტრაციული შენობის დაპროექტება და შესაბამისი ხარჯთაღრიცხვის დამუშავება.

საანგარიშო პერიოდში შემოღობილ იქნა ქ. თბილისში წმინდა გიორგის სახელობის ილორის ეკლესიის ტერიტორია, ჩატარდა შესაბამისი საპროექტო და ხარჯთაღრიცხვის დამუშავება.

აფხაზეთის ავტონომიური რესპუბლიკის ბიუჯეტი


აფხაზეთის ავტონომიური რესპუბლიკის რესპუბლიკური ბიუჯეტის შემოსულობებმა 2017 წლის 6 თვეში შეადგინა 8 190,05 ათასი ლარი, რაც გეგმის (7 189,5 ათასი ლარი) 113,9%-ია.

გადასახადების სახეების მიხედვით ფაქტიურმა შემოსულობებმა შეადგინა:


- საშემოსავლო გადასახადი – 3 505,75 ათასი ლარი, რამაც გეგმის (2 589,5 ათასი ლარი) 135,4 % შეადგინა;
- სახელმწიფო ბიუჯეტიდან გამოყოფილი ტრანსფერი – 4 550,0 ათასი ლარი. გეგმა (4 550,0 ათასი ლარი) შესრულდა 100%-ით;
- სხვა შემოსავლები – 134,3 ათასი ლარი, რამაც გეგმის (50,0 ათასი ლარი) 268,6% შეადგინა.

ბიუჯეტის შევსების მთავარი წყაროებია ცენტრალური ბიუჯეტიდან მიღებული ტრანსფერი და საშემოსავლო გადასახადი, რომელთა ხვედრითი წილი შემოსავლების საერთო მოცულობაში 55,6 და 42,8 პროცენტს შეადგენს შესაბამისად. აღნიშნული შემოსავლები ჯამში საერთო შემოსავლების 98,4 პროცენტია, ანუ დანარჩენ შემოსავლებზე მოდის მხოლოდ 1,6 პროცენტი.

დიაგრამა № 7: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2017 წ. 6 თვე



დიაგრამა № 8: რესპუბლიკური ბიუჯეტის შემოსულობების საერთო მოცულობაში შემოსავლების ხვედრითი წილები სახეების მიხედვით. 2017/6 თვე-2016/6 თვე



ცხრილი №2: აფხაზეთის ავტონომიური რესპუბლიკის რესპუბლიკური ბიუჯეტის შესრულების შედეგები 2017 წლის 6 თვეში

	გეგმა	ფაქტი	გეგმის შესრ.%	გეგმასთან შედ.+/-	ათასი ლარი ხვ. წილი გადასახდ.-თან %
გადასახდელები – სულ მ.შ.	7189,5	6482,1	90,2	-707,4	100,0
შრომის ანაზღაურება	3787,2	3685,2	97,3	-102,0	56,9
შტატგარეშე მომუშავეთა ანაზღ.	772,3	447,4	57,9	-324,9	6,9
მივლინებები	75,5	68,1	90,2	-7,4	1,1
ოფისის ხარჯები	264,2	226,2	85,6	-38,0	3,5
წარმომადგენლობითი ხარჯები	14,1	11,9	84,4	-2,2	0,2
სამედიცინო ხარჯები	0,2	0,1	70,0	-0,1	–
რბილი ინვენტარისა და უნიფორმის შეძენის და პირად ჰიგიენასთან დაკ. ხარჯები	1,0	0,7	71,0	-0,3	–
ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები	183,9	174,6	94,9	-9,3	2,7
სხვა დანარჩენი საქონელი და მომსახურება	64,8	60,2	92,9	-4,6	0,9
სუბსიდია	1345,9	1233,6	91,7	-112,3	19,0
სოციალური უზრუნველყოფა	450,2	424,1	94,2	-26,2	6,5
სხვა ხარჯები	181,5	125,6	69,2	-55,9	1,9
არაფინანსური აქტივების ზრდა	42,9	21,7	50,5	-21,2	0,3
ვალდებულებების კლება	5,8	2,6	45,4	-3,2	–

დიაგრამა № 9: შემოსულობებისა და გადასახდელების შედარება 2017/ნოვე-2016/ნოვე

